




SOLIDARITEIT
BEWEGING

AKSIEPLAN

#OnsKoronaPlan





SOLIDARITEIT
BEWEGING

Die Solidariteit Beweging kondig planne aan om Covid-19 te bestry

Die Solidariteit Beweging het vandag omvattende planne bekend gemaak om Covid-19 te bestry. Die Beweging het ook 'n aanbod aan die regering gemaak om saam te werk om die verspreiding van die virus te keer en die impak van die drastiese maatreëls te versag.

Die planne behels onder meer 'n korona-krisissentrum, samewerking met die regering se rampbestuursentrum, veiligheidstrategieë, maatskaplike ondersteuning aan gemeenskappe, hulp met opsporing, ondersteuning aan skole, ouers en leerlinge, hulp en inligting aan mense in werkplekke, en ondersteuning aan kunstenaars.

Volgens Flip Buys, voorsitter van die Solidariteit Beweging, kan Covid-19 'n nuwe wêreld inlui. Hierdie virus kan 'n nuwe verwysingspunt in die wêreldgeskiedenis word. Dit kan ongelooflike ekonomiese en staatkundige gevolge hê. Die Solidariteit Beweging gaan in krisissentrum,“ het Buys gesê.

Die Solidariteit Beweging het ook bekend gemaak dat 'n krisiskomitee op 'n daaglikse basis sal vergader om aksieplanne volgens die nuutste inligting te implementeer.

Volgens Dirk Hermann, bestuurshoof van Solidariteit, is die burgerlike samelewing deurslaggewend in die bekampings van die virus. Solidariteit het ook 'n korona-krisissentrum in die lewe geroep wat veral mense in werkplekke gaan ondersteun.

Kallie Kriel, uitvoerende hoof van AfriForum, het die belangrikheid van samewerking beklemtoon. “Politieke en ideologiese verskille moet nou vir eers agtergelaat word. Suid-Afrika het nou een gemeenskaplike vyand en dit is Covid-19,” het hy gesê. Volgens Kriel is die regering se rampbestuursentrum reeds gekontak met 'n aanbod om te help en saam te werk.

AfriForum se gemeenskapsveiligheidsafdeling het ook 'n spesiale beheerkamer bekend gestel wat onder meer veiligheidsverwante uitdagings sal koördineer en sal help met opsporingspogings.



T: 012 644 4300 | C: 0861 25 24 23 | P: Posbus 11760, Centurion, 0046

H.v D.F Malan- en Eendrachtstraat, Kloofsig, Centurion | Cnr D.F Malan- and Eendracht Street, Kloofsig, Centurion



SOLIDARITEIT BEWEGING

Die Solidariteit Helpende Hand se uitvoerende hoof, Hannes Noëth, het sy kommer oor die maatskaplike gevolge van die drastiese stappe uitgespreek. Een voorbeeld is die 8 000 kleuters wat Solidariteit Helpende Hand elke dag kosgee wat skielik nie meer toegang tot maaltye het nie. Hy het 'n beroep op die gemeenskap gedoen om te help om die dreigende maatskaplike krisis te help hanteer.

Die Skoleondersteuningsentrum het ook bekend gemaak dat die Wolkskool duisende video's, vraestelle en werkkaarte tot einde Junie gratis beskikbaar sal stel om leerlinge te ondersteun om self by die huis te kan werk.

Daar is ook aangekondig dat spesiale stappe beoog word om kunstenaars te ondersteun.

Akademia het ook aangekondig dat hy steeds voortgegaan word met klasse op sy aanlyn platform.

Die Solidariteit Beweging se Covid-19-krisisplan in 'n neutedop, is soos volg:

1. Samewerking met die regering

Daar is reeds uitgereik na die regering se nasionale gesamentlike rampbestuursentrum. Samewerking op provinsiale en plaaslike vlak word beplan.

2. Solidariteit se korona-krisisentrum om werknemers te steun

Werknemers kan hier alle werkverwante vrae en antwoorde, inligting oor die virus en algemene inligting kry. 'n Spesiale krisisllyn gaan ingestel word.

3. AfriForum se sentrale veiligheidbeheersentrum

Veiligheidskwessies gaan gekoördineer word. Moontlike onrus sal hanteer word. Algemene strategiese inligting sal ontvang en verwerk word.





4. Hulp met opsporing

AfriForum Veiligheid het reeds aangebied om die nasionale rampbestuursentrum te help met opsporing.

5. Ekonomiese aktiwiteit

Volledige planne om die ekonomie steeds te laat funksioneer gaan aan die regering voorgelê word. Solidariteit gaan met werkgewers in gesprek tree oor die balans wat tussen besigheid en veiligheid gehandhaaf moet word.

6. Maatskaplike hulp

Solidariteit Helpende Hand gaan 15 maatskaplike werkers landswyd gebruik om gemeenskappe in staat te stel om die maatskaplike uitdagings te bowe te kom weens die ingrepe om die virus te keer, en om siekte as gevolg van die virus te oorkom.

7. Hulp aan skoliere en ouers

Die Skoleondersteuningsentrum gaan tot 30 Junie duisende video's, werkkaarte, vraestelle en ander hulpmiddels gratis op sy Wolkskool beskikbaar stel om skoliere in staat te stel om van die huis af te studeer.

8. Inligting oor virus deur e-leer en webinare

Solidariteit gaan deur sy S-leer-platform 'n reeks e-leerkursusse aanbied om kinders en volwassenes oor Covid-19 in te lig. Daar gaan ook weklíks webinare aangebied word.





9. Ondersteuning aan die kunste

Die FAK, Maroela Media, die Solidariteit Beroepsgilde vir die Kunste en Dapper Media gaan planne uitrol om kunstenaars te beskerm. Op kort termyn gaan gepoog word om te help om onmiddellike finansiële nood te verlig, maar op medium en lang termyn gaan gekyk word na elektroniese platforms en alternatiewe vorme van konserte.

10. Nasionale krisiskomitee en interne aksie

Die Solidariteit Beweging het 'n nasionale krisiskomitee gevestig wat daaglik vergader en aksieplanne volgens die nuutste inligting sal aanpas. Die Beweging het ook alle internasionale reise gestop en binnelandse reise word tot die minimum beperk. Ingrypende maatreëls is in plek om te keer dat personeel die virus opdoen.

